



« 19 » 09 2023 թ.
№ 4960/2-1198

«ԳԱՄՄԱ ՊՐԻՆՏ» ՍՊԸ-ի
Տնօրեն Հ. Փիլոյանին
ՀՎՀՀ 01014621
ՀՀ, ք. Երևան, Սևանի 86/2
Հեռ.՝ +37455 880 599

ՀՀ պաշտպանության նախարարության և «ԳԱՄՄԱ ՊՐԻՆՏ» ՍՊԸ-ի միջև 10.02.2023թ. կնքված N ԳՀԱՊԶԲ-23-8/2-3 ծածկագրով գնման պայմանագրի (այսուհետև՝ Պայմանագիր) և դրան կից՝ 04.04.2023թ. կնքված համաձայնագրի (այսուհետև՝ Համաձայնագիր) համաձայն՝ վերջինս պարտավոր էր 2-րդ եռամսյակում մատակարարել 28 000 հատ նամակի ծրար, A3 ձևաչափի /Ծրար A-3 ձևաչափի ուղիղ կափույրով/, որից 3 000 հատ նամակի ծրար, A3 ձևաչափի /Ծրար A-3 ձևաչափի ուղիղ կափույրով/ չի մատակարարել:

Հիմք ընդունելով Պայմանագրի 2.1.7.1 կետի «բ» ենթակետը՝ (ապրանքի մատակարարման ժամկետները խախտվել են 30 օրից ավելի) ՀՀ պաշտպանության նախարարությունը **19.09.2023թ.-ին** միակողմանի մասնակի լուծում է վերոնշյալ պայմանագիրը:


Տեղեկացնում ենք, որ «ԳԱՄՄԱ ՊՐԻՆՏ» ՍՊԸ-ն պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ ֆինանսների նախարարության կողմից բացված գանձապետական **900005028106** հաշվեհամարին փոխանցել **2 213 ՀՀ դրամ**՝ որպես տույժ (Պայմանագրի 6.2 կետի համաձայն), **11 887 ՀՀ դրամ**՝ որպես տուգանք (Պայմանագրի 6.3 կետերի համաձայն), որը հաշվարկված է մինչև 22.08.2023թ. ներառյալ:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով

սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Հաշվի առնելով վերոգրյալը, տեղեկացնում եմ՝ Պայմանագրի (Համաձայնագրի) միակողմանի լուծման արդյունքում որակավորման ապահովման գումարը կազմում է **18 446 ՀՀ դրամ**, որն անհրաժեշտ է վճարել ՀՀ ֆինանսների նախարարության կողմից բացված գանձապետական **900008000664** հաշվեհամարին:

Միաժամանակ տեղեկացնում եմ մինչև 2023թ. սեպտեմբերի 28-ը ներառյալ Ձեր կողմից վճարվի վերը նշված **18 446 ՀՀ դրամ**՝ որակավորման ապահովման գումարը, ապա «ԳԱՄՄԱ ՊՐԻՆՏ» ՍՊԸ-ն չի ներառվի գնումների գործընթացին մասնակցելու իրավունք չունեցող մասնակիցների ցուցակում: Նշված գումարները անհրաժեշտ է վճարել Կենտրոնական գանձապետարանում լիազորված մարմնի անվամբ բացված վերը նշված գանձապետական հաշիվներին և վճարված կտրոնների բնօրինակները մինչև 2023թ. սեպտեմբերի 28-ը ներառյալ ներկայացնել ՀՀ ՊՆ գնումների կազմակերպման վարչություն, 2071 սենյակ:



Կ. ԲՐՈՒՏՅԱՆ